



# Synfocity = 355

25<sup>th</sup> August, 2011

mail us at : [synfo@bsnl.in](mailto:synfo@bsnl.in); [synfo@yahoo.com](mailto:synfo@yahoo.com) - Phone - 2314648

## □ Seminar on Tent Making Ministry

August 20 kha Synod Mission Board (SMB) leh Interserve India tangkawpin J.M. Lloyd's Hall, Synod Office-ah Seminar on Tent Making Ministry an nei a, thupuih 'Equipping the Church in Missions in a fast changing world' tih an hmang a, Mr. John Amalraj, National Director, Interserve India, Pune chu Resource person a ni. Seminar-a tel tur hian Synod Puipate, SMB Executive Committee, Aizawl khawpui chung Pastor & Pro. Pastor, Aizawl khawpui chung a Bial tin aiawh te leh Missionary Training Centre Staff-te sawm an ni a, mi 90 chu an lo tel thei a ni. Seminar programme hi Rev. Lalchhuanmawia, Synod Mission Board Secretary-in a kaihrui a, inhmelhriattirna leh inlawmna hun a hmang baw. Rev. Lalzuithanga, Executive Secretary i/c Mission-in tawngtaina hun a hmang a, Synod Moderator Rev. C. Lalsanglian Seminar hi hawngin Tent Making Ministry rawngbawl na hi thil tul tak leh rawngbawl na pawimawh tak a nih thu a sawi. Mr. John Amalraj, National Director, Interserve India, Pune paper buatsaih 'Tent Making - its implication and importance in today's world in reference to Apostole Paul' tih zirho a ni a, Upa Dr. L.N. Tluanga, Minister-at-large, Aizawl hnen atangin 'Role of the Church and what we can do in Tent Making Ministry' tih thupui zirho a ni baw. Hemi hnu hian sawihona & inhrilhiahna hun tha tak neih a ni baw.

## □ PBS Graduation Service

Vawiin (Aug. 25) chawhnu dar 1:00 hian Pi Zaii Hall, Synod Conference Centre, Mission Vengah PBS Graduation Service vawi 22-na neih a ni dawn a, Rev. Vanlazuata, Senior Executive Secretary-in programme a kaihrui ang a, thuchah a sawi baw ang. *Programme kimchang pheh lehlamah tarlan a ni.*

## □ Ramthar Ni

August 31 (Nilaini) hi Ramthar Ni a ni a, Mizoram Presbyterian Kohhran tan Ni pawimawh bik a ni. A chhan chu Mizorama Presbyterian Kohhran rawn dintu Rev. David Evan Jones (Zosaphluia) Mizorama rawngbawl tura a lo thlen ni a nih vang a ni. Kum 1972 Mizoram Synod Inkhawmpui chuan, Synod Ramthar Board-in, 'August ni 31, Pu Zosaphluia Mizorama a lo thlen ni hi Synod Ramthar Ni atan hman ni se', tia a rawtna chu pawmin kum 1973 atang kha August 31 chu Ramthar Ni atan hman tan a lo ni ta a ni.

Mizorama Chanchin tha rawn thlentu hmasa ber (Pioneer Missionary) Rev. William Williams chuan Khasi rama a thawh laiin Syhlet lama Mizo lung in tangte hnen atanga Mizote chanchin a lo hriatin Mizorama kal duhna a nei ta a. Kum 1891 March 20 kha Aizawlah a lo kal a, Mistiri leh kut hnathawka inhlawhfate hnenah Pathian thu hriatin tract te a sem a. Mizoram chanchin hi Welsh ramah a zu sawi a, Welsh Presbyterian Mission chuan kum 1892-ah Mizoram chu Missionary tirh luhna atan a thlang ta a. Rev. William Williams hi tirh an tum a, mahse vanduaithlak takin a thi ta mai si a. Mi thar an dap leh a; Theological College-a an zirtir chungin hun a lo vei hman a. Hetih lai hian Arthington-a mi tirh Rev. F.W. Savidge (Sap Upa) leh Rev. J.H. Lorraine (Pu Buanga) te kha an lo chhuak a, kum 1894, January 11-ah Mizoram an lo thlang a; Welsh Presbyterian Mission tirhin Rev. D.E. Jones (Zosaphluia) hi kum 1897, August 31-ah a lo thlang ve leh ta a ni.

Mizoram Presbyterian Kohhran chuan kumin Ramthar Ni pual hian tum khat inkhawm atan chauh programme a siam a, thupuih 'Lal hna i thawk ang u' (Ezek. 3:4-9; Mat. 28:16-20; II Tim. 4:6) tih an hmang ang.

♦ Ramthar Ni (August 31) hian Synod Mission Board thawktute hetiang hian Kohhran hrang hrangah hun hmangin an insem darh ang:

### Kalna Kohhran

♦ Hualtu

♦ Khanpui West

♦ Bukpui Bethel

♦ Serchhip Vengchung

♦ Sihfa

### Kal chhuakte

- Rev. Lalchhuanmawia, SMB Secretary; Pu Lalzawngliana, SMB Duftry & Tv. Sangzuala Chhange, Maubaw (Soloist)

- Pu Saidinga Sailo, Supervisor of Schools, SMB & Pi Lallawmsangi, Mission Veng

- Rev. C.M. Zalentanga, BEC Member; Pu T. Zachhunga, SMB;

- Pu Lalhmingthanga, Misison Promoter; Upa Vanlalchhunga, BEC Member

- Upa D.P. Biakkhuma, Synod Secretary (Jr.)

Synod Mission Board thawktute bakh hian Missionary Training Centre (MTC), Mission Vengthlang atangin trainee-te an zinchhuak baw ang.

## □ Kristian Thalai Pawl

♦ August 26 - 28 chung hian N.E. Khawdungsei Bial Meet & Leadership Training, N.E. Khawdungsei Kohhranah neih a ni dawn a, hemi hmanpui tur hian Rev. K. Lalpiangthara, CKTP Leader; T/Upa Lallianmawia, CKTP Committee Member leh Melody Zothansangi (Soloist) te an kal ang. Hemi chung vek hian *Kawlkulh Bial Meet & Leadership Training, Kawlkulh North Kohhranah leh Thenzawl Field Veng Bial Meet, Thenzawl Field Veng Kohhranah* neih a ni dawn a, Kawlkulh North Kohhranah hian Upa Lalrinmuana, General Secretary; T/Upa Lalhruaizela, CKTP Committee Member leh Pu Lalrinsanga Sailo, Saitual (Soloist) te an kal ang. Thenzawl Field Veng Kohhranah T/Upa Dr. C. Zarzoliana, Asst. Secretary leh Tv. V.L. Muanchhana, CKTP Committee Member - te an kal ang a, nakkum (2012) a neih tur 54<sup>th</sup> KTP General Conference puala Budget ₹ 2,00,000/- chu Organising Committee kutah an hlan nghal ang. Kumin March 6 kha General Conference Budget ₹ 2,00,000/- an lo hlan tawh baw a ni. August 27 (Inrinni) hian Media Awareness Campaign an neihpui nghal baw ang.

♦ August 27 & 28 hian Zoram Pawn Presbytery Meet, Madanriting, Shillong-ah Mizoram Synod Choir-ten zaia rawngbawl na an nei dawn a, Pu H. Liantluanga, Synod Choir Director-in a kalpui ang.

♦ Kum 2011 KTP Rorel Inkhawmah 'Central KTP-in HIV/AIDS chungchang inzirtirna turin hma la rawh se,' tih te, 'Central KTP-in Mizorama HIV/AIDS darh zel tur venna kawngah chak zawkin hma la rawh se,' tih leh 'HIV/AIDS darh zel tur ven nan thisen Test pawimawhna Central KTP hmalaknain inzirtir ni rawh se,' tih thu-a hmalak dan tur leh a bawhzui dan tur ruahmanna hrang hrang duan a ni a, hmalakna pakhat atan HOSPICE-RCCC (Grace Home), Presbyterian Hospital-a AIDS veite puala thawhlawm lak khawm tura tih chu Bial Sum enkawltute hnena thehluh hnuah Bial kal tlangin September, 2011 chungin KTP Office, Synod Office-ah thehluh tur a ni.

HIV/AIDS dona hmalakna atan July 30, 2011 & August 5, 2011-a Bial 161-ten Office Bearers Training an neih tumin MSACS te nen tangkawpin AIDS Awareness Campaign neih a lo ni tawh baw.

Contd...

- ❑ **MSSU**  
August 27 (Inrinni) hian Hmunsam Bial huapin Hmunsam Kohhranah Sunday School Zirtutu Training neih a ni dawn a, training neihpui tur hian Upa Lalchhuanawma, Zuangtui (MSSU Trainer), Upa Hrilthansanga, Mission Vengthlang (MSSU Trainer) leh Pu Lalthahluna Ralte (MSSU Asst. Coordinator) te an kal ang. Training bakah hian Kohhran hrang hrangah Inrinni zan - Pathianni (Aug. 28) zan thlengin Fanau enkawl chungchang thuchah sawina hun an nei ang.
- ❑ **Kohhran Hmeichhia**
  - ♦ August 26 - 28 chhungin Khawzawl Dinthar Bial huapin Khawzawl Dinthar Kohhranah Leadership Training & Kristian Chhungkaw Campaign neih a ni dawn a, training neihpui tur hian Central Kohhran Hmeichhe hruaitu - Pi Malsawmtluangi, Pi C. Vanlalhmuaki leh Pi Ramngaihsangi (Committee Members) te an kal ang.
  - ♦ **Festival of Peace** : September 2 & 3 hian Central Kohhran Hmeichhe Committee & World Communion of Reformed Churches (WCRC) te tangkawp buatsaih Festival of Peace, J.M. Lloyd's Hall, Synod Office-ah neih a ni dawn a, heta tel tur hian Khawpui chung Kohhran Hmeichhe Committee leh khawpui pawna kut hnathawktu thenkhatte sawm an ni.  
Festival of Peace hian a tum ber chu nitin eizawna (kut hnathawh) lama kan harsatna leh hmasawna kawng zawn te, Mizorama kan nunhona kawng lama harsatna kan tawhte thlirhona leh hmachhawp te a ni.
- ❑ **Mission Field Committee**  
August 22 - 30 chhung hian Field hrang hrangah Committee neih mek a ni a, nimin (Aug. 24) khan Kathmandu-ah Nepal Mission Field Committee an thu a, wawiin (Aug. 25) hian Nepal Mission Field hnuai rawngbawlna hmun te an tlawh ang. August 27 (Inrinni) hian Bhadrapur-ah Siliguri Mission Field Committee an thu leh ang a, August 29 (Thawhtanni) ah Kolkata-ah Kolkata Mission Field Committee an thu leh bawh ang. Field Committee-ah hian Rev. Lalzuithanga, Executive Secretary; Rev. Z.D. Lalhmachhuana, BEC Member leh Upa H. Ngurkhuma, Mission Promoter te an kal.
- ❑ **Synod Literature & Publication Board**  
August 26 - 28 chhung hian Khawlailung Kohhranah Literature Seminar neih a ni dawn a, seminar neihpui tur hian Rev. Thangzauva, SL&PB Editor; Upa H. Ronghaka, SL&PB Jt. Editor; Upa B. Bawlkhuma, SL&PB Compare Assistant leh Ni. Z.D. Lalchhanhimi, Soloist te an kal ang.
- ❑ **Music**  
Wawiin (Aug. 25) hian Sihphir Venglai Kohhranah Khuangvuak Training neih a ni a, training hi Pu Lalromawia, Synod Music Instructor-in a neihpui a ni.
- ❑ **Biak In hawng dawn**  
August 27 (Inrinni) hian Rev. P.C. Pachhunga, Synod Secretary chuan Guwahati Ramthar Biak In thar a hawng dawn a, naktuk (Aug. 26) hian Aizawl a chhuahsan ang a, August 29 (Thawhtanni) ah a lo let leh ang.
- ❑ **Beihrual**  
Presbyterian Kohhran chuan September 1 atangin Beihrual thla an hmang tan ang. September 1 - 9 chhung hian 'Ramthar Hapta' hman a ni ang a, September 21 - 30 hian 'Kristian Chhungkaw Hapta' hman a ni bawh ang, September 30-ah 'Beihrual Khaikhawmna leh Kharna' neih a ni ang. Beihrual hi kum 1918 June thla atanga hman tan a ni a, kum 1925 atangin September thlaah neih thin a ni ta a, kum 1947 atangin Nilai Zan Thupui Bu leh Beihrual Thupui hi bu khata siam tan a ni.
- ❑ **Susamachar Prasaran Programme**  
August 28 (Pathianni) tlaiah Hindi Programme (Susamachar Prasaran) LPS & Zonet Cable atangin hetiang hian tih chhuah a ni ang : **Group/Choir/Solo** : Sihphir Bial - Yesu Mashi, **Group/Choir/Solo** : Chawnpui Kohhran - Thandi Howe; **Sermon** : Zohmingthanga - Yesu Khoye Huo Ka Sahara; **Group/Choir/Solo** : Chawlhmun Masihi Sangati - Tu Pyar; **Group/Choir/Solo** : Zotlang - Sara Zaha; **Stuti Geet** : Gao Abhi Dil Se
- ❑ **Moderator programme**  
Synod Moderator Rev. C. Lalsangliana chuan August 27 - 29 chhung hian Keifang Bial leh Mualpheng Bial Kohhrante a tlawh ang.

## Presbyterian Bible School

### 22<sup>nd</sup> GRADUATION SERVICE

**A hmun** : Pi Zaii Hall, Synod Conference Centre, Mission Veng  
**A hun** : August 25, 2011 (Ningani); chawnu dar 1:00

Chairman	: Rev. Vanlalzuata, Senior Executive Secretary
Bible chhiar & tawngtai	: Chairman
Inlawmna & Inhmelhriattirna	: Rev. H. Remthanga
Hlasakho	:
Reports	: Rev. V. Lawmkima, Principal, PBS
Solo	: Margaret Malsawmzuali
Certificate hlan	: Upa J.H. Ramnghinglova, Board member
Thuchah	: Rev. Vanlalzuata, Senior Executive Secretary
Lawmman hlan	: Rev. Lalrinmawia, Board Member
Tawngtaisakna	: Rev. Dr. Vanlalnghaka Ralte, Board Member
Thutawi sawi	: 1) Zirlai aiawh 2) Upa C. Ngurthanmawia, Board Member
Solo	: Margaret Malsawmzuali
Vote of thanks	: Rev. H. Biakthansanga
Hlasakho	:
Malsawmna	: Chairman kutah

